

Bibbia par putei
Presenta

El Scuminzio
Dela Tristesa
Del'omo



Scritto da: Edward Hughes

Illustrà da: Byron Unger; Lazarus
Alastair Paterson

Adatà da: M. Maillot; Tammy S.

Tradoto da: Tiberio Bardelle

Prodoto da: Bible for Children
www.M1914.org

©2023 Bible for Children, Inc.


Licenza: A te ga el diritto de copiare o de stanpare sta storia,
basta che non te la vendi.



DIO EL GA FATO TUTO! Cuando
che Dio el ga fato el primo omo,
Adamo, el viveva nel giardin
del'Eden con so mujer, Eva. I jera
contentisimi de scoltar
Dio e de godarse la So
presensa fin cuando on
zorno...




"Te ga dito Dio de non magnar da ogni albore?" el ga domandà el serpente a Eva. "A podemo magnar tuta la fruta fora che una", a ga ribatù ela "Se magnemo o tochemo cuea fruta li, a morimo". "A no te mori" el ga dito el serpente. "A te deventarà come Dio". Eva la voleva el fruto de cuel albore li. La ga scoltà el serpente e la ga cercà el fruto.



Dopo che Eva la ga disobedio a Dio, la ga portà anca Adamo a cercar el fruto. Adamo el gavarìa dovuo dir: "No! Mi a no disobediso a la paroa de Dio".







Cuando che Adamo e Eva i ga pecà,
tuti e do, i ga capìo de esser nui. Cusindo foje
de figo i se ga fato dele traverse, i se ga coverti
e i se ga sconto, da Dio, in mezo al bosco.



Co la frescura dela sera Dio el xe vegnuo in giardin.
El saveva cuelo che i gaveva fato Adamo e Eva.
Adamo el ga da la colpa a Eva. Eva la ga da
la colpa al serpente. Dio el ga dito: El
serpente el sarà maedeto. La dona la
gavarà dolor cuando che a ghe nasarà
dei fantoini. "Adamo, visto ca te
ga pecà, la tera la sarà maedeta
e piena de spine de
spinaro. A te
lamentarà e a te

sudarà par
otegner el
to magnar
cuotidiano."




Dio el ga messo Adamo e
Eva fora dal maravajoso
giardin. Visto che i ga
pecà, i xe sta separà da
Dio che el ghe
gaveva da
la vita.





Dio el ga fato na spada de fogo
par tegnerli fora. Dio el ga
fato paletò de pele par Adamo
e Eva. Da dove galo tolto
Dio le peli?




Col tempo, Adamo e Eva i ga fatto su na fameja.
El so primo fiol, Caino, el jera on giardinier. El loro
secondo fiol, Abele, el jera on pastor. On di Caino el
ga portà a Dio dele verdure come presente. Abele
el ga porta qualcuna dele so mejo

piegore come presente
a Dio. Dio el
jera contento
na passua del
presente de
Abele.



Dio no el jera contento par gnente del presente de Caino. Caino el jera parecio invelenà. Ma dio el ga dito: "Caino se te fa cuel che xe giusto a te sarà benvolù anca ti".




la rabia de caino non la xe
andada via. Cualche tempo
dopo, in meso al campo el ga
atacà Abele e lo ga copà!



Dio el ga domanda a Caino: "dove xeo to fradeo, Abele?" "A no lo so" contandoghe na busìa. "Soja el guardian de me fradeo mi?" Dio el ga punìo Caino cavandoghe la bravura de coltivar la tera e fasendolo deventar on barbon.



Caino el xe 'nda fora dala presensa del Signor. El se ga sposà co na fiola de Adamo e Eva. I Ga tirà su na fameja. In poco tenpo, i nevodi e nevodeti de Caino i ga inpinìo la sità che el gaveva fondà.




Intanto la fameja de Adamo e
Eva la xe cressua veocemente.
Na volta, la zente la viveva
tanto de pì che adeso.



Cuando che xe nato Seth, Eva la ga dito:
"Dio el me ga da Seth al posto de Abele".
Seth el jera on omo che el ga canpà 912
ani, el ga avù na passua de fioi.



Nel mondo, la zente la diventava senpre più desgrassià, generasion dopo generasion. Alla fine Dio el ga deciso de desfare tutta l'umanità e tute le bestie e i osei. A dio ghe dispiaseva de aver fato l'omo. Ma un omo el ghe



piaseva
a Dio ...



Sto omo el jera Noè. El disendeva da Seth, Noè el jera giusto e puito. El caminava insieme al Signor. E ga insegnà anca ai so tre fioi de butarghe a mente a Dio. Adesso

Dio el gaveva pensà de ciapar Noè par farghe far na

roba tanto stranba e

speciae.



El Scuminzio Dela Tristesa Del'omo

'Na storia de la Parola de Dio, ea Bibia


la se cata in

Genesi 3-6

"Scoltare le paroe a ne da la luce."

Salmo 119:130






Ea fine



2



60



Sta storia dela Bibia la ne conta del nostro maravejoso Dio che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama peccato. La punision par el peccato la xe la morte, ma Dio el te voe cusì tanto ben che che el ga mandà el so unico fiolo, *Gesù*, a morir so na crose e a esar punìo par i to peccati. *Gesù* el xe tornà in vita par po andar a casa soa in Paradiso! Se a te ghe credi in *Gesù* e a te ghe domandi de perdonar i to peccati, Lu a lo farà. Lu el vegnarà a vivar in noaltri adeso e noaltri a vivaremo con Lu par senpre.

Sa te credi che questa la sia la verità, dighe questo a Dio:

Caro *Gesù*, mi a credo che Ti a te si Dio, e che a te si diventà on omo par morir par i me peccati, e deso a te vivi da novo. Par piaser, vieni nela me vita e perdona i me peccati, in modo che mi a posa aver na nova vita adeso, e un di a vegnarò a star co ti par senpre. Iutame a butarte a mente e a vivar par ti come ca fuse to fiol. Amen.

Lesi la Bibia e parla co Dio tuti i di! *Giovani 3:16*

